



Comisiynydd
**Cenedlaethau'r
Dyfodol**
Cymru

**Future
Generations**
Commissioner
for Wales



Taith tuag at

Gymru sy'n Gyfrifol ar Lefel Byd-Eang

- 1: Sicrhau fod ein cadwyni cyflenwi'n deg, yn foesebol a chynaliadwy**
- 2: Cynorthwyo ymddygiad cynaliadwy a gwneud y cysylltiadau**
- 3: Chwarae ein rhan i sicrhau fod Cymru'n groesawgar, yn ddiogel ac yn deg i bawb**
- 4: Sicrhau ein bod yn deal** pwysigrwydd defnyddio adnoddau'r ddaear yn effeithlon a chyfrannu at lesiant byd-eang
- 5: Gwneud y penderfyniadau cywir yn awr**, i alluogi cenedlaethau'r dyfodol i ffynnu





Comisiynydd
**Cenedlaethau'r
Dyfodol**
Cymru

**Future
Generations**
Commissioner
for Wales



Taith tuag at

Gymru sy'n Gyfrifol ar Lefel Byd-Eang

Yn y Ddeddf Llesiant Cenedlaethau'r
Dyfodol, diffinnir y nod hwn fel

*“Cenedl sydd, wrth iddi wneud unrhyw
beth i wella llesiant economaidd,
cymdeithasol, amgylcheddol a
diwylliannol Cymru, yn ystyried
a allai gwneud peth o'r fath gyfrannu'n
gadarnhaol at lesiant byd-eang.”*



Diffinio'r nod

Martin Luther King yr leuengaf a ddywedodd: “cyn i chi orffen bwyta'ch brecwast yn y bore, rydych chi wedi dibynnu ar hanner y byd.”


Mae gan yr hyn yr ydym yn ei wneud bob dydd, ein penderfyniadau a'r ffordd yr ydym yn dewis gwario ein harian ganlyniadau pellgyrhaeddol i wledydd eraill a phobl ar draws y byd. Dengys amcangyfrifon y byddai arnom angen 1.7 Daear i barhau gyda'n lefelau presennol o dwf a defnydd.

Mae'n hollbwysig ein bod, wrth feddwl am wella llesiant pobl yng Nghymru, hefyd yn meddwl am ein heffaith ar eraill. Nid defnyddwyr byd-eang yn unig ydym ni, ond dinasyddion byd-eang, ac mae gennym gyfrifoldeb i sicrhau nad ydym yn gweithredu mewn ffordd sy'n niweidiol i eraill. Golyga hyn ein bod yn sicrhau ein bod yn ymgysylltu â chadwyni cyflenwi moesegol, yn defnyddio ein rhan deg o adnoddau naturiol y ddaear, yn addasu i'r newid yn yr hinsawdd, yn gweithio i wneud Cymru'n lle croesawgar i bawb, gan wneud y penderfyniadau ariannol cywir ac addysgu pobl eraill pa mor bwysig ydyw cyfrifoldeb byd-eang.



Astudiaethau achos

Trwy'r ddogfen hon fe welwch nifer o adroddiadau sy'n berthnasol i'r pwnc. Os rydych yn gweld y symbol hwn cliciwch ar y ddolen i ddarllen y stori.



Diffinio'r nod

Ble i ffocysu gweithredu wrth gyfrannu at y nod hwn

Caffaelwch nwyddau a gwasanaethau mewn ffyrdd sy'n cyfrannu'n gadarnhaol at lesiant byd-eang

[\(Gweler taith tuag at Gymru sy'n gyfrifol ar lefel byd-eang pwnc 1: Defnydd a chaffael moesegol\)](#)

Darparwch gyfleoedd i bobl ifanc ddysgu am a deall ein heffaith yn fyd-eang

[\(Gweler taith tuag at Gymru sy'n gyfrifol ar lefel byd-eang pwnc 2: Dinasyddiaeth ac arweinyddiaeth fyd-eang\)](#)

Sicrhewch fod ein cymunedau'n croesawu pawb, gan gyfrannu at lesiant cymdeithasol a diwylliannol

[\(Gweler taith tuag at Gymru sy'n gyfrifol ar lefel byd-eang pwnc 3: Cydsefyll a heddwch\)](#)

Defnyddiwch adnoddau naturiol yn ddoeth, gan gyfrannu at lesiant amgylcheddol yn fyd-eang ac yng Nghymru

[\(Gweler taith tuag at Gymru sy'n gyfrifol ar lefel byd-eang pwnc 4: Ein rhan deg o adnoddau naturiol\)](#)

Gwnewch benderfyniadau ariannol sy'n gwella llesiant economaidd yn fyd-eang ac yng Nghymru

[\(Gweler taith tuag at Gymru sy'n gyfrifol ar lefel byd-eang pwnc 5: Buddsoddi a dargyfeirio teg a moesegol\)](#)

Gofynion statudol eraill mewn perthynas â'r nod hwn

Bwriad y **[Ddeddf Caethwasiaeth Fodern](#)** 2015 oedd brwydro yn erbyn caethwasiaeth modern yn y DU, ac mae'n cyfnerthu troseddau blaenorol sy'n berthnasol i fasnachu pobl a chaethwasiaeth. Mae gan y llywodraeth ganllawiau ar gyfer sefydliadau ar sut i sicrhau nad yw caethwasiaeth a masnachu pobl yn digwydd yn eu busnes neu eu cadwyni cyflenwi [yma](#).



Mae rhai o'r camau a'r gweithrediadau yn y ddogfen hon yn cyd-fynd â'r polisiau a nodir mewn deddfwriaeth - mae camau a gweithrediadau penodol sy'n glynu wrth y rhain wedi eu hamlygu mewn oren gyda symbol 'St'

Galluogwyr

Mae'r nod hwn yn **fwy tebygol o ddigwydd:**

- Pan fydd cymdeithas sifil yn cefnogi gweithredu sy'n cael effaith byd-eang cadarnhaol.
- Pan gytnir bod amrywiaeth yn uno cymunedau yn hytrach na'u rhannu.
- Pan fydd pwysigrwydd gweithredu byd-eang yn cael ei werthfawrogi a'i ddeall: a heb fod yn cael ei weld fel rhywbeth syml, dymunol 'ychwanegol' at fusnes-fel-arfer.
- Pan fydd gwleidyddion ac uwch arweinwyr eraill yn berchen ar y weledigaeth i gynorthwyo prosiectau byd-eang ac yn deall ein cyfraniad cadarnhaol ac yn croesawu ymwelwyr rhyngwladol.
- Pan fydd yna ddealltwriaeth o Nodau Datblygu Cynaliadwy'r Cenhedloedd Unedig a'u perthnasedd i Gymru.



Analluogwyr

Mae'r nod hwn yn **llai tebygol o ddigwydd:**

- Pan fydd diffyg dealltwriaeth o'r hyn a olygir gan fod yn gyfrifol yn fyd-eang.
- Pan fydd gwleidyddion ac uwch arweinwyr yn mabwysiadu ymagwedd 'gofalu am Gymru gyntaf', gan anwybyddu popeth arall.
- Pan na fydd mesurau neu ddangosyddion ar gael i ddisgrifio natur ymagweddau effeithiol tuag at fod yn gyfrifol yn fyd-eang.
- Pan fydd sefydliadau ynghlwm wrth drefniadau sy'n bodoli eisoes – megis contractau caffael, sy'n cyfyngu ar gyfleoedd.
- Pan fydd arbenigedd perthnasol mewn sefydliadau'n gyfyng ac mewn seilos.





Comisiynydd
**Cenedlaethau'r
Dyfodol**
Cymru

**Future
Generations**
Commissioner
for Wales



Taith tuag at

Gymru sy'n Gyfrifol ar Lefel Byd-Eang

3: Cydsefyll a Heddwch

Chwarae ein rhan i sicrhau fod Cymru'n
groesawgar, yn ddiogel ac yn deg i bawb

Diffinio'r mater

Mae Sefydliad Iechyd y Byd yn disgrifio'r newid yn yr hinsawdd fel 'un o'r risgiau mwyaf i iechyd yn yr unfed ganrif ar hugain' a fydd yn effeithio fwyfwy ar reoli clefydau, mudo, cyflenwadau dŵr glân, anghydraddoldeb rhywedd ac anghydraddoldeb cymdeithasol difrifol wrth i'r sefyllfa waethygu. Mae cenedl sy'n gyfrifol yn fyd-eang yn gweithredu i liniaru'r materion hyn, a thrwy gydsefyll yn croesawu ei chyfran deg o ffoaduriaid a allai fod wedi cael eu dadleoli oherwydd y newid yn yr hinsawdd neu wrthdaro. Fodd bynnag, ar hyn o

bryd nid yw ffoaduriaid y newid yn yr hinsawdd yn cael eu derbyn yn gyfreithiol fel ffoaduriaid, dim ond y rhai sy'n ffoi rhag rhyfel, erledigaeth a thrais, felly mae'n hollbwysig ein bod yn deall ac yn croesawu'r rhai hynny sydd â'r mwyaf o angen ein cymorth.

Yn ôl [Swyddfa Gartref y DU](#), mae troseddau casineb wedi dyblu ers 2012-13 a 76% o droseddau casineb a adroddir yn ymwneud â hil. Drwy weithio mewn partneriaeth ag eraill

o bob ffydd a chefnidir, gan greu polisïau a chyflwyno strategaethau sy'n darparu cymorth a gwasanaethau digonol, a'n haddysgu am bwysigrwydd derbyn, a thrwy ddysgu o hanes, a phwysigrwydd derbyn a goddefgarwch, gallwn greu dyfodol diogel a heddychlon i bawb.

Synergedd a chysylltiadau â theithiau eraill



Taith tuag at Gymru fwy cyfartal
Pwnc 3: Cyfranogiad cyfartal



Taith tuag at Gymru o gymunedau cydlunus
Pwnc 1: Pobl sy'n weithgar yn eu cymunedau

Gwneud **Newidiadau** Syml

Crewch bolisi ar sut mae eich sefydliad a'r bobl yr ydych yn gweithio gyda nhw'n dysgu am, yn cynorthwyo ac yn integreiddio ffoaduriaid a chwilwyr lloches yn ein cymunedau.

e.e. Gweler sut wnaeth disgyblion [Ysgol Uwchradd Gatholig Bishop Hedley](#) ddatblygu eu sgiliau tra'n dysgu am y materion hyn.

Cofrestrwch i fod yn [gyrchfan noddfa](#) e.e. eich swyddfa, siop, sinema, amgueddfa, pentref, ysgol, tref a dinas.

e.e. Mae Iechyd Cyhoeddus Cymru'n mynd i ddod yn 'sefydliad noddfa' gan ddarparu [cyngor i staff](#) ar sut i gynorthwyo ffoaduriaid a cheiswyr lloches.

Ewch allan i ymweld â, neu gwahoddwch grŵp i ddod i siarad â staff ac/neu bobl yr ydych yn gweithio gyda nhw am ffoaduriaid a chwilwyr lloches a deall sut y gallwch eu cynorthwyo.

e.e. [Oasis Caerdydd](#) a [Chanolfan Drindod](#) yn darparu gwasanaethau a gweithgareddau i gynorthwyo ffoaduriaid a chwilwyr lloches yn ardal Caerdydd.

Sicrhewch eich bod yn ymgysylltu â phob grŵp yn eich cymuned, gan groesawu ystod amrywiol o oed, rhyw, cefndiroedd a diwylliannau.

Ewch i chwilio am, cefnogi ac ennyn ymgyfraniad eich cymuned ddiaspora – cymuned o bobl sy'n byw tu allan i'w gwlad enedigol neu wlad eu tylwyth – o fewn eich gwaith a chydabyddwch y gwerth sy'n deillio o'u presenoldeb.

Dysgwch am rôl Cymru mewn cadw heddwch byd-eang a diplomyddiaeth.

e.e. Gweler sut aeth disgyblion [Ysgol Dyffryn Aman](#) ac [Ysgol Uwchradd Cyfarthfa](#) ati i wneud hyn.

Eglurwch sut y daethoch yn [gyrchfan noddfa](#), yn cynnwys eglurhad o'ch dewis, pwy yw eich partneriaid, beth a gynhwysir gan eich polisi a'ch strategaeth a'r [gweithgareddau](#) yr hoffech weld y gymuned yn cyfranogi ynddynt.

ee

ee

ee

ee

CARTREF

Gwneud Newidiadau Syml

Cynorthwywch ddigwyddiadau sy'n dangos cyfraniad cadarnhaol tuag at [heddwch](#) a chydsefyll, o grwpiau datblygu rhyngwladol cymunedol i'r rhai hynny sy'n cael eu cynorthwyo gan [Sefydliad Addysg, Gwyddoniaeth a Diwylliant y Cenhedloedd Unedig \(UNESCO\)](#).

e.e. **Mae'r Urdd** yn rhannu [neges o heddwch ac ewyllys](#) da bob blwyddyn, y gall pawb ymgyfrannu ynddo.

Defnyddiwch Ddiwrnodau Cenedlaethol a Diwrnodau Rhyngwladol i addysgu, ysbrydoli ac ennyn ymgyfraniad pobl.

e.e. 20fed Mehefin yw [Diwrnod Ffoaduriaid y Byd](#), 21ain Medi yw [Diwrnod Heddwch Rhyngwladol](#), 10fed Rhagfyr yw [Diwrnod Hawliau Dynol](#), 18fed Rhagfyr yw [Diwrnod Mewnfydwyr y Byd](#).

Archwiliwch werth a phwysigrwydd dwyn y byd i Gymru ac i'r gwrthwyneb drwy weithgareddau diwylliannol, megis yr [Eisteddfod Genedlaethol a'r Eisteddfod Gerddorol Ryngwladol Llangollen](#), chwaraeon, crefftau a chynhyrchu bwyd, iaith, theatr, sinema, cerddoriaeth a chelfyddyd.

Adolygwch yr iaith a ddefnyddir i ddarparu eich gwasanaeth a sicrhewch eu bod yn cwrdd ag anghenion eich cymuned a safonau gofynnol.

Defnyddiwch y logo 'Iaith Gwaith' ar laniardau ac mewn llofnodion e-bost staff sy'n siarad Cymraeg neu'n ddysgwyr fel y gallant hybu ein diwylliant a'r Gymraeg a chyfrannu tuag at warchod [ieithoedd brodorol](#) y Cenhedloedd Unedig a sicrhau bod y Gymraeg yn cael ei chydabod yn fyd-eang.

Bod Yn Fwy Anturus

Dewch yn gyrchfan

noddfa, trwy weithredu eich polisiâu, strategaethau a gweithgareddau cytunedig.

e.e. [Amgueddfa'r Glannau Abertawe](#) yw Amgueddfa Noddfa gyntaf Cymru.

Anogwch, cynorthwywch ac ysgogwch sefydliadau yr ydych yn gweithio gyda nhw/yn eich cymuned i ddod yn gyrchfan noddfa.

e.e. Mae [Amgueddfa Stori Caerdydd yn gweithio gyda ffoaduriaid o Syria](#) i greu gofod cymunedol ac adrodd stori Caerdydd.

Integreiddiwch ffoaduriaid yn eich cymuned a chynorthwywch eraill i wneud hynny.
[Cyhoeddwch storïau cadarnhaol](#) am integreiddio.

e.e. Mae [Cyngor Sir Gwynedd drwy eu Rhaglen Adsefydlu Syria'n](#) cynorthwyo'r ymdrech fyd-eang i liniaru'r argyfwng dyngarol drwy ddarparu cyfleoedd adsefydlu i ffoaduriaid.

Gweithiwch gydag eraill i sicrhau bod y gymuned ddiaspora'n ymgysylltu â'r materion newydd ac yn ymgysylltu mewn mwy o waith eich sefydliad.

e.e. [Panel Cyngori is-Sahara Affrica](#) yw'r sefydliad rhyngwladol ar gyfer y gymuned ddiaspora Affricanaidd yng Nghymru.

Sicrhewch eich bod yn dangos y cysylltiadau rhwng Cymru a'r byd, yn arbennig pan fyddwch yn cynnal digwyddiadau a gweithgareddau diwylliannol.

Pan fyddwch yn ymgysylltu â phobl, dangoswch effeithiau ymgyfraniad a pham mae penderfyniadau wedi cael eu gwneud gan ddefnyddio enghreifftiau o fywyd go iawn neu astudiaethau achos.

Ymgysylltwch yn rhagweithiol gyda chymunedau o fewn eich ardal, gan fanteisio i'r eithaf ar ddathliadau crefyddol a diwylliannol a seremonïau sy'n gwella ein dealltwriaeth a'n gwerthfawrogiad o'r byd.

Bod Yn Fwy **Anturus**

Sicrhau bod yr holl gyfathrebu

a gwasanaethau yn cael eu darparu yn yr iaith briodol. Gallai hyn gynnwys gallu cwblhau'r cais dinasyddiaeth Brydeinig yn Gymraeg.

Perchnogi'r Uchelgais

Gweithredu cydweithredol neu genedlaethol i berchnogi eich uchelgais

Pob ffoadur a chwilwyr lloches yn cael croeso a'u hintegreiddio i mewn i'r gymdeithas, ac yn medru byw bywydau rhydd a llawn a hyn yn cyfoethogi ffabrig Cymru.

Mae Cymru'n [Genedl Noddfa](#).

Mae Cymru'n cael ei chydabod am ei chyfraniad i heddwch a'i amddiffyniad.

Mae Cymru'n cael ei gweld fel cenedl gynaliadwy, fywiog gydgysylltiedig gyda mudiad diwylliannol byd-eang cyd-ddibynnol.

e.e. [Cyngor Celfyddydau Cymru](#) yw sefydliad cenedlaethol celfyddyd a diwylliant â ganddi lawer o enghreifftiau o weithgareddau diwylliannol rhwngwladol.

Gall pob un gyfathrebu mewn iaith o'u dewis.

Sut fedr eich sefydliad Berchnogi'r Uchelgais

Cysylltwch eich sefydliad ag un [mewn gwlad arall, efallai un sy'n llai datblygedig](#) ac ymgysylltwch â gweithgareddau cydsefyll a chynorthwyo datblygiad.

Cynorthwywch fentrau newydd yn eich cymuned, neu rai a arweinir gan eich sefydliad, i fod yn rhan o [UNESCO](#).

Enghreiffiau ac adnoddau eraill



[Ymateb Llywodraeth Cymru i Genedl Noddfa](#)



[Lleihad yng ngraddfeydd trosedd gydag integreiddio Mewnfudwyr](#)



Mae gan [Dangoswch y Cerdyn Coch i Hiliaeth](#) lawer o ddulliau o addysgu pobl am dderbyn pobl o bob cefndir a lleihau'r risg o hiliaeth.



Gŵyl ffilmiau ddiwylliannol flynyddol yw [Watch Africa](#) sy'n dathlu diwylliannau rhyngwladol.